

Ա Ռ Ա Զ Ա Ր Ա Ն

Ներկա պրակը նվիրված է Արցախի արձանագրություններին, սակայն Արցախ անվանումը պայմանական է, որովհետև նրանում ամփոփված նյութերը լրիվ չեն համապատասխանում այդ նահանգի սահմաններում գտնվող հուշարձաններին: Նախ՝ Արցախի դաշտավայրերում հին հուշարձաններ չեն պահպանվել: Մյուս կողմից, պրակի մեջ են մտել Գանձակ քաղաքի և հանլարի ու Գետաբակի շրջանների նյութերը, որոնք հին բաժանմամբ պատկանել են Ուտիք նահանգին:

Այսպիսով, պրակն ամփոփում է Ադրբեջանական ՍՍՀ Լեռնային Ղարաբաղի ինքնավար մարզի նյութերն ամբողջությամբ, նրա հարևան Լաչինի ու Քյալբաջարի շրջանների և Քուռի աջափնյա՝ հանլարի, Դաշքյասանի, Շամքորի ու Գետաբակի Լեռնային շրջանների նյութերը, որտեղ մեծ թվով հայկական հուշարձաններ կան և հայ բնակչություն:

Արցախի գավառաբաժանումը հազարամյակների պատմաքաղաքական անցուղարձների շնորհիվ մեծ փոփոխությունների է ենթարկվել: Դարերի ընթացքում փոխվել են նաև գավառների անունները, հայտնի է միայն նրանց մոտավոր տեղագրությունը, այդ պատճառով էլ նյութը դասավորել ենք ըստ ներկայումս գոյություն ունեցող շրջանների՝ հետևյալ հերթականությամբ:

ՄԱՐՏԱԿԵՐՏԻ ՇՐՋԱՆ

Լեռնային Ղարաբաղի այժմյան ամենամեծ շրջանն է: Գրավում է Թարթառ գետի միջին հոսանքի և հաչեն գետի վերին հոսանքի տարածքը:

Շրջանի այն մասը, որ բռնում է հաչեն գետի հովիտը, հնում կազմում էր Արցախի Մեծիրանք գավառը: Այժմ էլ Քուլատակ գյուղի մոտ մնացել է Մեծիրանից ու Հակոբի վանքը: Միջին դարերում գետի անունով գավառը կոչվել է հաչեն և պատկանել Ղարաբաղի իշխանական ամենաուժեղ տոհմին՝ Հասան-Ջալալյաններին, որոնք կառուցել են իրենց հոգևոր կենտրոնը՝ Գանձասարի վանքը, իսկ վանքից ներքև, աջ ափի անտառապատ լանջում՝ իրենց ապարանքը:

Մեկիբությունների շրջանում այդ Երկրամասը կազմում էր Ջրաբերդի կամ Ջարաբերդի մեկիբությունը, որի ապարանքի ավերակները մնում են հին «Քըղըքատեղ» («Քաղաքատեղ») կամ «Մայրաքաղաք» կոչված ավերակ ավանի ծայրում, իսկ անմատչելի բերդը՝ Ջրաբերդը, գտնվում է ոչ շատ հեռու Թրդի վետակի խառնարանից: Մեկիբ-Խսրայևյանների փառավոր ապարանքի մնացորդները գտնվում են Կուսապատ գյուղի մոտերքում:

ՍՏԵՓԱՆԱԿԵՐՏԻ ՇՐՋԱՆ

Գրավում է Կարկառ գետի լեռնահովիտը: Միջին դարերում մտնում էր Խաչենի իշխանության սահմանների մեջ, հետագայում կազմել է Վարանգայի մելիքության հիմնական մասը, որի կենտրոնն էր Ավետարանոց կամ Չանախչի բերդավանը, ուր մինչև այժմ էլ մնում են Մելիք-Շահնազարյանների մի քանի ապարանքները: Ռուսաստանի տիրապետության սկզբնական շրջանում այդ բերդավանն իր շրջակայքի գյուղերով դառնում է ռուս-պարսկական պատերազմներում աչքի ընկած գեներալ Մադաթովի կալվածքը: Նա ծագումով այս գյուղից էր և վերակառուցելով մելիքական ապարանքներից մեկը՝ այն դարձնում է իր նստավայրը:

ՄԱՐՏՈՒՆՈՒ ՇՐՋԱՆ

Գրավում է Խոնաշեն գետակի հովիտը և Քոնդտլան գետի վերին հոսանքի մասերը: Ընդգրկում է հնագույն Հաբանդ և Մուխանք գավառների մասերը: Հետագայում Վարանգայի մելիքության մեջ էր մտնում: Շրջանը հարուստ է պատմական հին հուշարձաններով: Հայտնի են Ամարասի, Հերհերի վանքերը և Նղիշա կույսի անապատը, հատկապես Հացի գյուղի մոտի՝ «Բռի եղջի» կոչված հուշարձանախումբը:

ՀԱԴՐՈՒԹԻ ՇՐՋԱՆ

Արցախի մյուս՝ Հաբանդ գավառի հիմնական մասն է կազմում, հետագայում՝ Դիզակի մելիքության կենտրոնական մասը: Շրջանի նշանավոր գյուղերից է Տումին, որը IX—XIII դարերում եղել է իշխանական կենտրոնատեղի, ապա Տող գյուղը, որը Դիզակի մելիքների նստավայրն էր, ուր մնում է Մելիք Սգանի բնակելի տունը՝ կանգուն և այժմ էլ բնակելի: Պահպանվել է հիշյալ երկու գյուղերի արանքում, բարձր սարի գագաթին բարձրացող Քթիշ հնագույն բերդը՝ Քթիշ կամ Գտիշ վանքով:

ՇՈՒՇՈՒ ՇՐՋԱՆ

Ղարաբաղի ինքնավար մարզի ամենափոքր շրջանն է, բռնում է Կարկառ գետի վերին մասերը: Շրջանում հին հուշարձանները վատ են պահպանվել և այդ շրջանից արձանագրություններ քիչ ունենք:

ԼԱԶԻՆԻ ՇՐՋԱՆ

Գտնվում է հին Ազավնու, այժմ Հագար գետի վերին վտակների՝ Մինքենդի, Հոշազի լեռնաձորերում: Այժմ էլ շրջանն ունի փոքրաթիվ բնակչություն, որովհետև փոքրիկ գյուղերը տեղավորված են ձորերի նեղլիկ հարթակների վրա՝ լեռնաշղթայի վերին մասերում, ուր ալպյան արոտների զոտին է: Բոլոր գյուղերում էլ կան հայկական հուշարձաններ, որոնցից են.

1. Միծեռնակալան՝ Չորս զուլգ հաստահողույս մուլթերի վրա կանգնած եռանավ բազիլիկ շենք է՝ IV—V դարերին բնորոշ ձևերով:
2. Սկեղեցի՝ ներքուստ խաչաձև, դմբեթավոր, շինված է կուլածո և որբաուղ բարերով. բոլոր պատերը հաքած են, փլվելու ենթակա, ունի երկու մուտք՝ արևմուտքից և հարավից. արձանագրություններ չունի, բայց, անկասկած, VII դարի հարտարապետության արժեքավոր կոթող է. գտնվում է Վարազդան գյուղի հանգում:

3. Բագիլիկ եկեղեցի—Շինված է կոփածո քարերով. երեք զույգ մույթերի վրա կանգնած եռանակ տաճար է՝ IV—V դդ. գտնվում է Շեյլանի գյուղի մոտ՝ ձորամիջում: Արձանագրություններ չունի:
4. Նրեու կամուրջներ—Կառուցված են այգ ձորամիջով հոսող գետակի վրա, որոնց վրայով ճանապարհը տանում է հարևան Կատոս գյուղը: Կամուրջներից մեկը շատ հին է և այժմ միայն խելերն են մնացել, որոնցից մեկի վրա պահպանվել է վարպետի պատկերը, գործիքը ձեռքին, երկար շուխայով: Գլխի մասը կոտրված, կորած է, ուր և հավանաբար կլինեին փոքրիկ հիշատակություն: Մյուս կամուրջը XVI—XVII դդ. շինություն է:
5. Կամուրջ—Կամարի հարավային երեսի անկյուններում կան երկու վարդակներ, որոնցից մեկի մոտ հետագայում կողքանց դրված մի քարի վրա՝ արաբատառ արձանագրություններ, կողքերին՝ երկու մարդու պատկերներ՝ ձեռք-ձեռքի բռնած:
- Վերջին տարիներին կամուրջը մի կողմից լայնացնելով, դարձրել են մեքենայի ճանապարհ. գտնվում է Շավա գետի վրա, Փիրշահան գյուղի մոտ: Շրջանի հուշարձանները կառուցվել են IV—V դարերում, ընդհուպ մինչև XVII դարը, իսկ արձանագրությունները՝ մինչև XVII դարի վերջին տասնամյակները:

ՔՅԱԼԻՍԱՋԱՐԻ ՇՐՋԱՆ

Այս շրջանն ընդգրկում է Արցախի Վայկունիք գավառը և Բերգաձոր գավառի մի մասը: Շրջանը բռնում է Տրտու (այժմ՝ Թարթառ) գետի վերին հոսանքի և նրա վտակների ձորահովիտները: Բնակավայրերը տեղավորված են նեղ ձորում և վերնամասի հարթ տարածության վրա. բնակավայրերը խիստ վոքը են. բնակիչները գերազանցապես քրդեր են: Միջին դարերում իշխանանիստ Մար ավանի անունով կոչվել է նաև Մար գավառ, որը կազմում էր Վերին Խաչենի մի մասը: Այս շրջանը հնում թե՛ տնտեսապես և թե՛ իշխանական տիրույթի առումով կապված էր Սողքի-Վարդենիսի շրջանի հետ:

Գավառի Մար ավանը (այժմ՝ Զառ) Արցախի Վախթանգյան տոհմի հնագույն բնակավայրն էր, որի մոտ էին գտնվում նրանց հոգևոր կենտրոն Մար ավանքը և հռչակավոր չերմուկները՝ «բաղանիք արքունականք» (այժմ՝ Իստիսու):

Վերջին դարերում Մար ավանը մելիքանիստ գյուղ էր, որից մնացել է հին հիմքերի վրա վերանորոգված մելիքական ընդարձակ տունը՝ չորս միակտուր քարե սյուների վրա՝ փայտե թաղածածկով:

Հնում այս շրջանի միջով էին անցնում Արարատյան դաշտից դեպի Արցախ և Պարտավ տանող ճանապարհները: Վարդենիսում բաժանվելով՝ դրանցից մեկը Դաշքենդ գյուղի վրայով հասնում էր Մար ավանը և իջնում մինչև Իստիսու չերմուկները, ապա Թարթառի վրայով հասնում մինչև Պարտավ: Նրկորդը՝ Վարդենիսի Զոդ գյուղի վրայով և համանուն լեռնանցքով իջնում էր Թարթառի հովիտը և միանում նախորդին: Հին ուղեցույցներում միայն այս վերջին ճանապարհն է նշված, որովհետև, ընայած իր դժվարությունը, սա ավելի կարճ էր: Այդ ճանապարհի բանուկ լինելու մասին են վկայում Զոդի լեռնանցքի տակ, այժմ ոսկու հանքերի բանվորական կայանի մեջ մնացած կարավանատունը, որը վերանորոգվելուց հետո օգտագործվում է: Այդ վայրը հնում կոչվում էր Բերդկունք, որը տանում էր դեպի Բերգաձոր գավառը, որի մյուս ծայրում, ուր ճանապարհն անցնում է ծունկ կալմող Թարթառի վրայով՝ Հաթերք և Վաղահաս գյուղերի մոտ, դեպի վրա կար մի մեծ կամուրջ: XIII դ. այն շինել էր Ասիա տիկինը՝ իշխան Հասանի որդի Գրիգոր Դուխյանի կինը,

Տարսայիճ Օրրելյանի դուստրը: Այդ կամրջի մոտ կանգուն են երկրորդ՝ փոքրը քարավանատան ավերակները:

Լեռնային Ղարաբաղի սահմանի մոտ է գտնվում Վախթանգյան տոհմի ամենամեծ հուշարձանը՝ Դադի վանքը:

ԽԱՆԼԱՐԻ ՇՐՋԱՆ

Շրջանը բռնում է Քուրակչայ և Գյանջալայ գետերի վերին հոսանքների ձորահովիտները և իջնում մինչև Գանձակի մոտերքը: Շրջանի մի մասը տեղավորված է պատմական Ուտիք նահանգի մեջ: Այս շրջանի մեծ մասը վերջին դարերում մտնում էր Գյուլիստանի մելիքության կազմի մեջ, իսկ Քուրակչայի վերին մասի գյուղերը կազմում էին Գետաշենի՝ Մելիք-Մնացականյանների տիրույթը, որոնց ապարանքը այժմ էլ մնում է Գետաշեն-Չայքենդ գյուղում:

Շրջանի գյուղերը մեծ մասամբ հայաբնակ են, իսկ Խանլարի բնակչությունը խառն է:

ԳԵՏԱԲԱԿԻ ՇՐՋԱՆ

Այս շրջանը տեղավորված է Շամքոր և Զադամ գետերի վերին հոսանքների հովիտներում, պատմական Արցախի Փառնես կամ Փառխոսս գավառի տարածքում: Որպես անցյալի լուռ վկաներ կանգնած են Փառխոսսի բերդը և նրա ստորոտում փռված համանուն ավանի ավերակները, նաև Զարեքա վանքը և Ղարամուրատի վանքի ավերակները (Ղամշի վանք):

Հնում այս շրջանով էր անցնում Գեղարքունիքից Քուռի հովիտը տանող այն ճանապարհը, որը Կրասնոսելսկ գյուղի վրայով իջնում էր Ղարամուրատ, ապա Փառխոսս քաղաքը և կոչվում էր Դուռն Փառխոսսի: Այդ ճանապարհը այժմ էլ գործում է:

* * *

Գիտարշավի ընթացքում պարզվեց, որ մի շարք վայրերում նախկինում գոյություն ունեցած արձանագրությունները մասամբ անհետացել են, սակայն հայտնաբերվեցին անհայտ հուշարձաններ: Գիտարշավի շրջագայության միջոցին պարզվեց, որ Արցախի տարածքում գտնված հուշարձանների ժամանակագրական և ոճական առանձնահատկությունները նույնն են, ինչ որ Հայաստանի այլ վայրերում, բայց կարևոր ենք համարում նշել տեխնիկական մի հանգամանք: Արցախի մեծ մասում ճարտարապետական կոթողներ կառուցելու հիմնական նյութը եղել է տեղական քարը, որը անորակ է: Հիմնական քարատեսակն այստեղ սպիտակավուն կրաքարն է՝ ոչ մեծ բեկորներով և սալանման շերտերով, որից չի կարելի ստանալ պատերին ազդեցիկ և վեհ տեսք տվող մեծ ու սրբատաշ կտորներ: Այդ պատճառով էլ հուշարձանների մեծ մասն այստեղ շինված է ճեղքված քարերի բեկորներից և միայն շինությունների կարևոր և ակնառու մասերում են գործածված սրբատաշ ու կանոնավոր քարեր: Այս հանգամանքը իր հերթին նվազեցրել է արձանագրությունների փորագրելու տարածությունը: Արցախում միայն մեկ տասնյակի հասնող նշանավոր վանքեր կան, որոնք սրբատաշ քարերով են շինված:

Այս երևույթը բացասական ազդեցություն է գործել հուշարձանների երկարակեցության, առավել ևս ավերումից հետո նրանց բեկորների պահպանման վրա: Սրբ ավերված հուշարձանները նորոգման են ենթարկվում, նրանց սրբատաշ քարերը նորից օգտադործվում են, որոշ չափով պահպանվում են քանդակաղարդ և արձանագրված մասերը, որոնք հուշարձանի պատմության համար մեծ արժեք են ներկայացնում: Որպես օրինակ կարող ենք հիշատակել

այժմ գոյութիւն չունեցող մի քանի հնագույն հուշարձաններ: Այժմյան Ճարտար գիտութիւն մշակութի տան հիմնապատերը փորելու ժամանակ հայանաբերվել են 3—4 սրբատաշ բեկորներ, որոնք հաստատում են IV—V դդ. այդտեղ կառուցված բաղնիկ տաճարի գոյութիւնը: Այդ բեկորներից մեկը ատամնավոր քիվի քար է, մյուսը խաղողի որթի մաս՝ տերեւներով և ողկույղով: Մարտակերտ գյուղի վերին թաղում, Պետրոսյանների տան բակում պահւում է IV—V դարերի մի շենքի սյան խարիսխ՝ դարաշրջանի շատ բնորոշ ձևավորումով: Հարեան բակում կան նույն ժամանակի խոյակ և սյան մասեր: Սարգսյանի տան բակում են գտնվում բաղնիկ տաճարի միայն հյուսիսային պատը, քառակող կոթողի մնացորդները և դրանց վրա ագուցված քառաթե քարե խաչի բեկորները:

Ամարասի նշանավոր վանքի ներկա շենքը վերջին դարերի գործ է, բայց նրա բնմի տակ ամբողջական վիճակում պահպանվել է Գրիգոր Լուսավորչի թու, Հայոց արեւելից կողմանքում քրիստոնեութիւն տարածելիս նահատակված Գրիգորիսի ստորերկրյա դամբարանի շենքը, որն, ըստ մատենագրական վկայութիւնների՝ շինված է IV դարի սկզբում:

Դիվանի այս պրակը ևս հիմնականում կաղմված է նախորդների սկզբորում:

Հ Ա Մ Ա Ռ Ո Տ Ա Գ Ր Ո Ւ Թ Յ Ո Ւ Ն Ն Ե Ր .

Դաւաթուհեանց—Յովհանու եպիսկոպոսի Շահրիարցայ—Ստորագրութիւն Կաթողիկէ էջմիածնի և հինգ զաւոռացն Արարատայ, հատոր երկրորդ, էջմիածին, 1842:

Ջալալեանց—Սարգիս վարդապետ—Ճանապարհորդութիւն ի մեծն Հայաստան, մասն Ա, Տըփղիս, 1842:

Իաւրխաւարցանց—Մակար եպիսկոպոս—Արցախ, Բագու, 1895:

Լալայան Եւվանդ—Գանձակի դավառ, «Աղագագրական հանգես», Ե գիրք, Վարանդա, «Աղագագրական հանգես», Բ գիրք:

Դադյան—Խ. ծ. Վ. Մեծարանց որ և ս. Հակոբա վանից արձանագրութիւնները, «Բանասեր», Պարիզ, 1901:

Տեր—Մսիսիւսյան—Մեսրոպ եպիսկոպոս—Հայկական երեք մեծ վանքեր, Երուսաղեմ, 1938:

Պ Ա Յ Մ Ա Ն Ա Ա Ն Ն Շ Ա Ն Ն Ե Ր

—Գծիկով նշված են բնագրի մեջ (գծագրութիւն) համապատասխան թվով չարդված գրերը: ...Կետերով նշանակված են բնագրի մեջ (գծագրութիւն) չարդված գրերն՝ անկախ թվից:

| Փակագծով նշանակված են չարդված գրերի վերականգնումները (վերածնութիւն մեջ),

[] Փակագծով նշանակված են բնագրի մեջ գրչի ռաց թողած, սղած կամ առանց պատվի (սղման նշան) սղումները (վերածնութիւն մեջ),

[] Փակագծով նշանակված են բնագրում եղած ավելորդ գրերը (վերծանութիւն մեջ):

| Գծիկով նշանակված են բնագրի տողերի սահմանները (վերծանութիւն մեջ),